

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀԱՐԿԱՅԻՆ ԵՎ ՄԱՔՍԱՅԻՆ ՄԱՐՄԻՆՆԵՐԻ ԲՈՂՈՔԱՐԿՄԱՆ
ՀԱՆՁՆԱԺՈՂՈՎ**

ՈՐՈՇՈՒՄ N 47/5

ք.Երևան

16 հունիսի 2023թ.

Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը (այսուհետ նաև՝ Հանձնաժողով), քննության առնելով ՀՀ ՊԵԿ Երևանի մաքսային սպասարկման կենտրոն-մաքսատուն, վարչության «վարչական տույժ նշանակելու մասին» 31.03.2023թ. թիվ 744/1 և 745/1 որոշումների դեմ «ԱՐԹ ՎԱՅՆ» ՓԲԸ-ի տնօրեն Հայկ Եղիազարյանի դիմում-բողոքը՝

ՊԱՐԶԵՑ

1. Բողոքարկման առարկան, դիմում-բողոքով բերված փաստարկները և ներկայացված պահանջները

«ԱՐԹ ՎԱՅՆ» ՓԲԸ-ի տնօրենը հայտնում է, որ «ԱՐԹ ՎԱՅՆ» ՓԲԸ-ն ըստ 05100022/121122/0043593, 05100022/171122/0044442 տ/հ-երով ՀՀ է ներմուծել գարեջուր: Տվյալ տ/հ-երի վերաբերյալ կազմվել է վարչական տույժ նշանակելու մասին որոշում N 744/1, 745/1 առ 31.03.2023թ.՝ ժամանակավոր պահպանության ժամկետը լրանալու կապակցությամբ: Սակայն սահմանված ժամկետում կազմվել է 05100010/230323/0029764, 05100010/160523/0049722 տ/հ մաքսային պահեստ ընթացակարգով:

Խնդրում է չեղարկել տվյալ որոշումները:

2. Դիմում-բողոքի քննության համար էական նշանակություն ունեցող փաստերը

Մաքսային կարգավորման մասին ՀՀ օրենքի 304-րդ հոդվածի համաձայն՝ սահմանված ժամկետում մաքսային մարմիններ Միության մաքսային օրենսգրքով կամ սույն օրենքով սահմանված մաքսային հայտարարագրերը կամ պարտադիր ներկայացման ենթակա այլ մաքսային փաստաթղթերը չներկայացնելը՝ առաջացնում է տուգանք՝ ֆիզիկական անձանց համար՝ երեսուն հազար դրամի, իսկ պաշտոնատար անձանց համար՝ հիսուն հազար դրամի չափով:

Այսպիսով, «ԱՐԹ ՎԱՅՆ» ՓԲԸ-ի տնօրեն Հայկ Եղիազարյանի անգործությունը անօրինական է՝ ուղղված մաքսային ձևակերպման սահմանված կարգի դեմ, ինչի համար մաքսային կարգավորման մասին ՀՀ օրենքի 304-րդ հոդվածով սահմանված է պատասխանատվություն:

ՀՀ ՊԵԿ Երևանի մաքսային սպասարկման կենտրոն-մաքսատուն, վարչության «վարչական տույժ նշանակելու մասին» 31.03.2023թ. թիվ 744/1 որոշման մեջ մասնավորապես նշված է, որ «ԱՐԹ ՎԱՅՆ» ՓԲԸ-ի անվամբ 05100022/121122/0043593 տարանցման հայտարարագրով Բավրայի մաքսային կետ-բաժին անցակետով ՀՀ տարածք է ներմուծվել 23820 կգ ապրանքներ, ինչը 18.11.2022 թվականին հանձնվել է մաքսային մարմինների ժամանակավոր պահպանությանը, սակայն մինչև ժամանակավոր պահպանության ժամկետի լրանալը ապրանքների վերաբերյալ մաքսային հայտարարագիրը մաքսային մարմին չի ներկայացվել:

ՀՀ ՊԵԿ Երևանի մաքսային սպասարկման կենտրոն-մաքսատուն, վարչության բացթողնման բաժնի ավագ մաքսային տեսուչի կողմից «Արթ Վայն» ՓԲ ընկերության տնօրեն Հայկ Եղիազարյանի նկատմամբ կազմվել է մաքսային կանոնների խախտման վերաբերյալ արձանագրություն մաքսային կարգավորման մասին ՀՀ օրենքի 304-րդ հոդվածի հատկանիշներով, որը ուղարկվել է նրան, ինչպես նաև տեղեկացվել է նշանակված գործի քննության և իր իրավունքների մասին:

Ելնելով վերոգրյալից և ղեկավարվելով, մաքսային կարգավորման մասին ՀՀ օրենքի 304-րդ հոդվածով, 301-րդ հոդվածով, 332-րդ հոդվածով, 334-րդ հոդվածի 1-ին կետի 1-ին ենթակետով և ՎԻՎ ՀՀ օրենսգրքի 234 հոդվածով՝ որոշում է կայացվել Մաքսային կարգավորման մասին ՀՀ օրենքի 304-րդ հոդվածով նախատեսված մաքսային կանոնների խախտում կատարելու համար «ԱՐԹ ՎԱՅՆ» ՓԲԸ-ի տնօրեն Հայկ Եղիազարյանի նկատմամբ նշանակել տուգանք՝ 50.000 ՀՀ դրամի չափով:

ՀՀ ՊԵԿ Երևանի մաքսային սպասարկման կենտրոն-մաքսատուն, վարչության «վարչական տույժ նշանակելու մասին» 31.03.2023թ. թիվ 745/1 որոշման մեջ մասնավորապես նշված է, որ «ԱՐԹ ՎԱՅՆ» ՓԲԸ-ի անվամբ 05100022/171122/0044442 տարանցման հայտարարագրով Բավրայի մաքսային կետ-բաժին անցակետով ՀՀ տարածք է ներմուծվել 24220 կգ ապրանքներ, ինչը 22.11.2022 թվականին հանձնվել է մաքսային մարմինների ժամանակավոր պահպանությանը, սակայն մինչև ժամանակավոր պահպանության ժամկետի լրանալը ապրանքների վերաբերյալ մաքսային հայտարարագիրը մաքսային մարմին չի ներկայացվել:

ՀՀ ՊԵԿ Երևանի մաքսային սպասարկման կենտրոն-մաքսատուն, վարչության բացթողնման բաժնի ավագ մաքսային տեսուչի կողմից «Արթ Վայն» ՓԲ ընկերության տնօրեն Հայկ Եղիազարյանի նկատմամբ կազմվել է մաքսային կանոնների խախտման վերաբերյալ արձանագրություն մաքսային կարգավորման մասին ՀՀ օրենքի 304-րդ հոդվածի հատկանիշներով, որը ուղարկվել է նրան, ինչպես նաև տեղեկացվել է նշանակված գործի քննության և իր իրավունքների մասին:

Ելնելով վերոգրյալից և ղեկավարվելով, մաքսային կարգավորման մասին ՀՀ օրենքի 304-րդ հոդվածով, 301-րդ հոդվածով, 332-րդ հոդվածով, 334-րդ հոդվածի 1-ին կետի 1-ին

ենթակետով և ՎԻՎ ՀՀ օրենսգրքի 234 հոդվածով՝ որոշում է կայացվել Մաքսային կարգավորման մասին ՀՀ օրենքի 304-րդ հոդվածով նախատեսված մաքսային կանոնների խախտում կատարելու համար «ԱՐԹ ՎԱՅՆ» ՓԲԸ-ի տնօրեն Հայկ Եղիազարյանի նկատմամբ նշանակել տուգանք՝ 50.000 ՀՀ դրամի չափով:

3. Բողոքարկման առարկային վերաբերվող իրավական կարգավորումներ և եզրահանգումներ

ՀՀ մաքսային կարգավորման օրենքի 332 հոդվածի համաձայն մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ: Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս:

ԵԱՏՄ մաքսային օրենսգրքի 101-րդ հոդվածի 1-ին մասի համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն Օրենսգրքի սույն հոդվածի 2-րդ կետում և 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին մասի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

Մաքսային կարգավորման մասին օրենքի 301-րդ հոդվածի 1-ին մասի համաձայն՝ մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Սույն դիմում-բողոքը նշանակված է եղել 09.06.2023թ.-ի գրավոր ընթացակարգով նիստում որոշում կայացվելու համար, սակայն Հանձնաժողովի անդամների կողմից

ներկայացվել են միջնորդություններ՝ դիմում-բողոքը բանավոր ընթացակարգով քննության առնելու վերաբերյալ:

Ինչ վերաբերում է դիմում-բողոքով բարձրացված հարցին՝ ապա մաքսային մարմնի ներկայացուցիչը ևս հաստատեց, որ ՀՀ տարածք 05100022/171122/0044442 տարանցման հայտարարագրով ներմուծված ապրանքների համար մաքսային հայտարարագիր սահմանված ժամկետում ներկայացվել է: Հանձնաժողովը եկավ եզրակացության, որ ՀՀ մաքսային օրենսգրքի 304-րդ հոդվածով նախատեսված մաքսային կանոնների խախտում տվյալ դեպքում չի իրականացվել, ուստի ՀՀ ՊԵԿ Երևանի մաքսային սպասարկման կենտրոն-մաքսատուն, վարչության «վարչական տույժ նշանակելու մասին» 31.03.2023թ. թիվ 745/1 որոշման մասով դիմում-բողոքը ենթակա է բավարարման:

Միևնույն ժամանակ ՀՀ տարածք 05100022/121122/0043593 տարանցման հայտարարագրով ներմուծված ապրանքների համար մաքսային հայտարարագիր սահմանված ժամկետում չի ներկայացվել, ուստի Հանձնաժողովը գտնում է, որ ՀՀ ՊԵԿ Երևանի մաքսային սպասարկման կենտրոն-մաքսատուն, վարչության «վարչական տույժ նշանակելու մասին» 31.03.2023թ. թիվ 744/1 որոշումը հիմնավոր է և իրավաչափ:

4. Եզրափակիչ մաս

Ելնելով քննության արդյունքներից և ղեկավարվելով Հայաստանի Հանրապետության հարկային օրենսգրքի 20-րդ բաժնով, «Մաքսային ծառայության մասին» Հայաստանի Հանրապետության օրենքի 37-րդ հոդվածով, Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը

ՈՐՈՇՈՒՄ Է՝

«ԱՐԹ ՎԱՅՆ» ՓԲԸ-ի տնօրեն Հայկ Եղիազարյանի դիմում-բողոքը բավարարել մասնակի:

1. ՀՀ ՊԵԿ Երևանի մաքսային սպասարկման կենտրոն-մաքսատուն, վարչության «վարչական տույժ նշանակելու մասին» 31.03.2023թ. թիվ 744/1 որոշումը թողնել անփոփոխ:

2. Բեկանել ՀՀ ՊԵԿ Երևանի մաքսային սպասարկման կենտրոն-մաքսատուն, վարչության «վարչական տույժ նշանակելու մասին» 31.03.2023թ. թիվ 745/1 որոշումը:

Սույն որոշումն ուժի մեջ է մտնում իրազեկելուն հաջորդող օրվանից:

Սույն որոշմանը չհամաձայնվելու դեպքում այն ուժի մեջ մտնելու օրվանից երկու ամսվա ընթացքում կարող է բողոքարկվել դատարան:

ՀԱՆՁՆԱԺՈՂՈՎԻ ՆԱԽԱԳԱՀ՝

6/20/2023

X 

ԿԱՐԵՆ ԹԱՄԱԶՅԱՆ

Signed by: TAMAZYAN KAREN 2612840184

ԿԱՐԵՆ ԹԱՄԱԶՅԱՆ